

CAPUT XL.

PRAEPARAT. EX FERRO.

SULPHAS FERRI CRYSTALLIZATUS.

(Sal, seu Vitriolum Martis.)

Rx. Limaturae Ferri purae, et nitentis libram unam,
 - Aquae purae libras quatuor,
 - Acidi Sulphurici Aquosi libram unam, et semis.

Misce in vase vitreo capaci, et post effervescentiam digere per unum, alterumve diem leni arenae calore, saepius agitando. Solutionem decanta, filtra, ad pelliculam vapora, et in frigido loco ad crystallizationem repone. Separatis crystallis effusum liquorem vapora, et procede, ut antea dictum est, quoad nulae appareant crystalli.

Dosis à granis tribus ad semiscrupulum.

POTASSA FERRUGINOSA LIQUIDA.

(Tinctura Elastica.)

- Rx.** Limaturae Ferri nitidae pulveratae unc. duas,
Carbonatis Potasae Communis uncias octo.

Misce, et liqua in crucibulo igne vehementi in massam. Hanc in mortario ferreo, aut lapideo in pulverem redige, et vase fictili patulo exceptam aëri humido expone. Faciescet in liquorem. Filtra.

*Dosis ad drachmam unam in libris quatuor
Aquae communis pro potu per intervalla.*

ACETAS FERRI LIQUIDUS.

(Vitriolum Liquidum Martis.)

- Rx.** Limaturae Ferri non rubiginosi libram unam,
Acidi Acetosi Communis libras duodecim.

Digere in matraccio per dies octo; postea filtra, et serva ad usum.

Dosis ad semiunciam.

TINCTURA VINOSA FERRI TARTARISATA.

Vide Tincturae, pag. 306.

TROCHISCI FERRI TARTARISATI.

(Globuli, seù Pyri Martiales.)

R̄. Limaturae Ferri purae uncias octo,
Tartritis Aciduli Potassae Communis pulve-
rati uncias duodecim.

Misce in cucurbita terrea, et affunde

Aquae. } partes aequales.
Alkoholis Vini Communis. }

Ad digiti eminentiam.

Digere, et leni calore liquorem vapore.
Massae exsiccatae, ac pulveratae Aquam, et
Alkoholem denuo affunde, digere, et vapore,
idque pluries repete, quousque massa exsicca-
ta velut resinosa appareat. Tunc ex ea glo-
bulos pyri minoris magnitudine efforma.

CARBONAS FERRI.

(Crocus Martis Aperiens.)

R̄. Limaturae Ferri purae libram unam.

Aëri expone, et Aqua saepius humecta,
donec in Rubiginem abeat. Tere in mortario
ferreo, et affusa Aqua Distillata pulverem

subtilissimum simul cum illa per inclinationem effunde, et sicca. Residuum verò rursus humecta, aëre diutius expone, denuo in mortario tritum ablue, et sicca.

Dosis à granis quinque ad scrupulum.

OXIDUM FERRI RUBRUM.

R̄. Sulphatis Ferri Nativi praeparati Q. V.

In vase terreo non vitreato igne vehementi calcina donec vapores non emittat, et colorem rubrum adquisiverit; postea laeviga, et serva ad usum.

Usus externus.

OXIDUM FERRI NIGRUM.

(Æthiops Martialis.)

R̄. Limaturae Ferri splendentis Q. V.

Aquae Fontis Q. S. ad octodecim digitorum eminentiam.

Mitte in matrarium, et digere per duorum, vel trium mensis spacium, identidem agitando, donec Ferrum in pulveris nigerrimi for-

mam totum ferè appareat; addendo, si opus fuerit, S. Q. Aquae ad aëris attactum praecavendum. Postea agita, et Aquam turbidam per decantationem separa, et per subsidentiam praestabit Ferrum minimè oxidatum in pulverem subtilissimum, qui leni calore exsiccatus in vase vitreo diligenter serva.

Dosis ad scrupulos duos.

CAPUT XLI.

PRAEP. EX HYDRARGYR.

HYDRARGYRI EXTRACTIO.

℞. Sulphureti Hydrargyri Nativi Q. V.

Pulvera, et procede, ut in Hydrargyri purificatione sequenti formula: quanquam Sulphuretum Hydrargyri Almadenense Limaturae Ferri adjunctione ad Hydrargyri secretionem non indiget.

HYDRARGYRI PURIFICATIO.

℞. Hydrargyri Almadenensis Q. V.

yy